



13. marts 2015

Inatsisartut suleriaasianni §37 naapertorlugu Naalakkersuisunut imatut

apeqquteqarpunga:

1.

Naalakkersuisut Inissiani attartortakkani ineqarnermut tapiissutit pillugit¹ Inatsisartut upernaakkut ataatsimiinneranni oqaluuserisassanngortitaraluartik sooruna tunuartikkaat?

2.

Siunnersuut julip qaammataani 2014-mi tusarniutigineqarmat KANUKOKA akissuteqarusunngilaq. Tamanna inatsisissatut siunnersuummut oqaasertaliussani atuarneqarsinnaavoq. Tamanna julip qaammataani tusarniaasoqartannginnissaanik Namminersorlutik Oqartusdat Kommunillu akornanni isumaqatigiissuteqarsimanermik pissuteqarpoq. Inatsisissatut siunnersuut Inatsisartunut saqqummiunneqartinnagu tusarniaaqqinnissaq pilersaarutigineqarnerluni?

3.

2015-mut Aningaasanut Inatsisissatut siunnersuummi missigersuutigineqarpoq 2016-miit ukiumut 20 mio.kr. sipaarutigineqartassasut, tapiissutinik tunniussisarnermut piumasaqaatit allanngornerisa kinguneranik. Aningaasanut Inatsisissatut siunnersuut Inatsisissatut siunnersuutip kinguartinneqarneranit sunnerneqassava?

(Inatsisartunut ilaasortaq Naaja H. Nathanielsen)

Tunngavilersuut

Naalakkersuisut martsip 11-anni nalunaarutigaat Inatsisissatut ineqarnermut tapiissuteqartarneq pillugu inatsisissatut siunnersuutertik (imm. 97) ukiakkut

¹ Imm./Pkt. 97:

Forslag til Inatsisartutlov nr. xx af xx.xx 2015 om boligsikring i lejeboliger / Inissiani attartortittakkani ineqarnermut tapiissutit pillugit Inatsisartut inatsisaat nr. xx, xx.xx 2015-imeersoq

ataatsimiinnissamut kinguartinneqartoq. Taamatut aalajangernerup kingunissai tusarusuppakka.

Ulut suliffiusut qulit ingerlaneranni akineqarnissara kisaatigaara.